

16. maj 2017

Paasissutissanik piniarnermut atatillugu inatsisitigut tunngavissaqarnissaq qularnaarumallugu, takuuk ilanngussaq 1 formatimi nassuiarneqareersumi, kingusinnerpaamik UPA2018-mi siunnersuummik saqqummiusseqqullugit, Naalakkersuisut peqquneqarnissaannik Inatsisartut aalajangiiffigisassaattut siunnersuut. Ilanngussaq 1-mi taaneqartut paasissutissat eqqarsaatigalugit Naalakkersuisut peqquneqarput tamanit iserfigineqarsinnaasumik nittartagali-oqqullugit paasiuminartunik naatsorsoqqissaakkanik katersanik imalimmik, tassani soqutinnittut meeqqat atuarfiat pillugu paasissutissanik naapertuuttunik aallarsinnaalersillugit. Naatsorsoqqissaakkanik katersivik suliarineqassaaq meeqqat atuarfii ataasiakkaat naleq-qiuuneqarsinnaanngorlugit, imatulli sanallugu inunnut ataasiakkaanut paasissutissat pissarsiariniarneqarsinnaajunnaarlugit.

(Inatsisartunut ilaasortaq Nivi Olsen, Demokraatit)

Siumumiit Inatsisartunut ilaasortap Nivi Olsenip Inatsisartut aalajangiiffigisassaattut siunnersuutaanut imaattumik oqaaseqassuugut:

Siumumiit isumaqarpugut meeqqat angusarissaarnissaat atuarfiup angerlarsimaffiullu suleqatigiillu arnerisigut anguneqassasoq. Taamaattumik angerlarsimaffiup atuarfiullu suleqatigiinnerat nukittorsartuartariaqarpoq.

Siumumiit Atuarfitsialammi ilinniartitsisut sulinerminnut pitsaanerpaanik tunngavissaqarnissaat atortussaqaarnissaallu qulakkeerumavagut, taama oqarpugut meeqqatta pitsaanerpaamik ilinniar-tinneqarnissaat pingaartilluinnaratsigu. Tamatumunngalu ilanngullugu atuarfiit pisortaasa atuartitsisullu atuarfitsialammut naleqqussaanermut atatillugu Atuarfik pillugu inatsimmut pikkoris-sartinneqartarnissaat periarfissaajuartariaqartoq Siumumiit isumaqarpugut.

Meeqqat atuarfianni angajullernut ilinniarfissanik siunnersuineq annertusarneqarlunilu pitsanngor-sartariaqarpoq.

Meeqqat atuarianni ilinniartitsisussaqrneq anguniarlugu Inerisaavik Ilinniarfissuarlu suleqatigii-lluinnartariaqartut Siumumiit isumaqarpugut. Taamatuttaaq najugarisami ilinniartitsisunngorniar-terneq annertusarneqartariaqartoq Siumumiit isumaqarpugut.

Siumumiit kulturperput kinaassuserpullu aallaavigalugu immikkut ilisimasallit atorluarnerisigut atuartitsineq ingerlanneqassasoq pingaartipparput.

Siumup anguniarpaa Naalagaaffiit Peqatigiit (FN) meeqqat pisinnaatitaaffiinik oqariartuuteqartar-nerat atuarianni pinngitsoorani atuartitsissutigineqartassasoq.

Taamak aallarniuteqarluta Siumumiit oqaatigissavarput Naalakkersuisut akissuteqarnerminni oqaa-tigimmassuk Inatsisartunut aalajangiiffigisassatut manna siunnersuut maannakkumut inatsisitigut periarfissaareertoq tamanna toqqammavigalugu itigartitsisoqarnissaanik innersuussineranut taper-siinerput oqaatigissavara.

Siumumiit immikkoortup matuma taama isikkoqartillugu itigartinneqarnissaa inassutigaarput.

Ineqi Kielsen

Siumut